

恩詔並道光三年及十八年在於據情等事案內奉文豁免沖沒各等地外實在其地七十七頃三十四畝七分三釐四毫九絲五忽一等水地四十畝二分四釐五毫每畝科徵粳米一斗一升五合共徵粳米四石六斗二升七合八勺三抄二等水旱地四頃六十三畝五分二釐每畝科徵折色銀二分六釐三毫粳米五升共徵折色銀一十二兩一錢九分五毫七絲六忽粳米二十三石一斗七升六合三等水旱地九十畝六分一釐每畝科徵粳米四升二合五勺共徵粳米三石八斗五升九勺二抄五拵一等旱

直隸縣志

卷之四 田賦

十一

地五十畝一釐每畝科徵小麥五升粟米五升共徵小麥二石五斗五勺粟米四石三升五勺二等旱地五十四頃五十七畝五分九釐二毫九絲五忽每畝科徵小麥二升五合粟米二升五合共徵小麥一百三十六石四斗三升九合八勺二抄三撮七圭五粟粟米一百一十六石四斗三升九合八勺二抄三撮七圭五粟三等旱地五頃九十五畝九分每畝科徵折色銀七釐小麥一升一合五勺粟米一升一合五勺共徵折色銀四兩一錢七分一釐三毫小麥六石八斗五升二合八勺五抄粟米六石八斗五升

二合八勺五抄四等旱地九頃三十八畝一分每畝科徵小麥一升二合七勺五抄粟米一升二合七勺五抄共徵小麥二十一石九斗六升七勺七抄五撮粟米一十一石九斗六升七勺七抄五撮五等旱地六十畝每畝科徵小麥四合五勺共徵小麥二斗七升粟米二斗七升接收咸寧縣六等水旱地三十八畝七分六釐每畝科徵糯米六升二合折色銀二分五毫共徵糯米二石四斗三合一勺二抄共折色銀七錢九分四釐五毫八絲小旱地外山場一處山坡一段無頃畝共徵折色銀一百二十六兩一分水磨一合隨磨大小房六間共徵磨課銀六兩六錢六分

直隸縣志

卷之四 田賦

十二

以上共徵小麥一百五十八石二升三合九勺四抄八撮七圭五粟粟米一百五十八石二升三合九勺四抄八撮七圭五粟糯米三十一石六斗五升四合七勺五抄五撮共徵折色銀一百四十九兩八錢二分七釐乾隆二年奉旨屯更銀糧均丁應增銀二十二兩三錢九分九釐每遇閏年加銀一錢八分九釐

更戶七百七十二戶共丁三千四百二十五戶

更名地稅歲無定額儘收儘解

鹽政並加增共引五千九百八十六道共納課銀二千四百九十四兩一錢七分

倉儲

常平倉在縣城西門內原額貯京斗穀六萬四千十五石

三斗九升九合六勺乾隆三十年奉

上諭蠲免本色糧石道倉無項動支奏撥各州縣溢額運

歸道倉支放藍田動撥溢額京斗穀二萬二千五百石

藍田縣志

卷七 田賦

三

三斗九升現額貯京斗穀四萬四千石同治元二兩

年復經撥送省倉支放兵糧現儲京斗粟穀二千三

百九十石六斗八升五合京斗麥二千二百六十二

石四斗四合七勺

社倉八所一曰縣城社二曰中柳社三曰羅李社四曰前

衛社五曰焦代社六曰十里社七曰油坊社八曰石

佛社原額貯京斗谷二萬二千九百五十三石九斗

三升除民欠奉 文豁免外所有軍需動用糧價貯

存司庫道光十七年請領買補還倉實貯京斗谷三

千二百五十石當經入社紳民呈懇以社倉散建各

社防守難周均請移建城內經縣通詳允准因購城

東地基創建社倉

義倉一所在縣城北署教諭孫耀祖倡捐建修

藍田縣志

卷之七 田賦

三

祠祀志

會典之載祀神也分上祀中祀羣祀其制因乎前代而變其大祀小祀之名所以懷柔百神為民祈福典至重也今編祠祀一遵典禮而對越之心仍如執事其前代寺觀無門可列者以類附焉

社稷壇在西門外偏北

風雲雷雨壇在縣東南

先農壇在縣東門外偏南地基四畝九分

藍田縣志

卷八 祠祀志

一

皇朝雍正六年知縣李元昇奉文創建祠宇三間左右廊

房各一間大門樓一座

馬志載農官雷際正李南元前張睿安信陳自敬六人

文廟在縣治東南同治十三年知縣呂懋勳重修

城隍廟在縣城內東南隅

皇清康熙五十八年知縣范理嘉慶二十三年知縣邵琨

重修同治十三年知縣呂懋勳同閩邑紳耆籌款重修

又因門樓三間未見宏壯改造五間戲臺五間門樓捲

棚照壁俱各高加數尺遂覺壯麗可觀又有古城隍廟

在縣北小兒城

三間寢堂三間

土地廟在縣署大門內門樓一間左右厦房各二間享堂  
皇朝乾隆四十年知縣葛晨率閩邑士庶捐修又有廟在  
縣西南三十里洛谷前

八蜡廟在風雲雷雨壇東

厲壇在北關演武場後

關帝廟在南門外明萬曆十七年知縣楊培建初僅四楹

二十二年知縣陳一夔添建捲棚三間三十一年知縣

王邦才擴養濟院以益之以舊殿為獻殿於後建大殿

藍田縣志

卷八 祠祀志

二

五間去武像易以冕旒前後東西各有翼室六間制度

宏麗且置官地十畝給羽士奉香火即給以道會司職

記焉四十五年知縣沈國華復捐俸買民舍以廣之生

員謝昌應捐已地展構寢殿三楹至

皇朝道光四年知縣邵琨率閩邑士民捐修同治十三年

知縣呂懋勳重修又有關帝廟在北門外

風神廟在南關外大門三間東西道房三間獻殿三間正

殿三間乾隆四十五年知縣周崧曉捐俸創建院牆週

四十六丈地基二畝一分三毫又捐買左衛楊逢春地

六畝劉全忠一分六釐以供香火有碑記

龍神廟在南關外門樓三間左右遊廊六間正殿三間道

光十六年知縣胡元煥因馮林寨新街鎮等處水患創

建自後滿河東徙又有龍王廟在滿河西岸明嘉靖中

因水患建今圯又縣東南九十里有大龍廟

劉猛將軍廟在縣南關外門樓三間左右遊廊六間正殿

三間道光十六年知縣胡元煥奉文創建又有廟在縣

東南七十里新店舖道光十六年四月十一日知縣胡

元煥奉檄堵商州飛蝗馳赴界牌設神位竭誠禱告

嘉日縣志

卷之

三

蝗不入境士民感神之德於新店舖建立專祠每歲

二月十八日官往致祭

文昌閣在縣城內東南隅門樓二間棧棚三間樓殿一座

後殿三間道光十四年知縣胡元煥重修同治十三年

知縣呂懋勳重修又因門前逼仄拓地丈餘建立照壁

旁開兩門出入以崇體制又有

文昌閣在縣城北隅

即古尊經閣故址

形家言在書院之西為文

風所係道光十八年知縣胡元煥率同士民創建六角

樓房一座週圍牆垣七十丈

東嶽廟在城內東街康熙三十年修

節婦祠在縣西門內雍正六年知縣李元昇建同治十年

知縣呂懋勳重修

玉皇廟在縣東二十里普化寨

聖母廟一在縣北三里一在縣西十五里

西嶽廟在縣西二十里白鹿原

真武廟在縣西北三十里

三皇廟在縣北三十里祀華胥伏羲女媧氏

金山神廟在縣南朝谷口金山前舊圖經曰風后祠也黃

嘉日縣志

卷之八 祠祀

四

帝時風后滅蚩尤之眾於此縣西門內亦有風后祠

無量廟在東關外

菩薩廟在西關樓外

顏魯公祠在藍橋明天啟六年知府鄒公建買民田一十

九畝在普化寨以為祭田有碑存焉鄒公名嘉生

晉公廟有二一在縣東三里一在縣西三十里許祀唐裴

晉公度

王右丞祠舊址在朝川文杏館久經傾圮乾隆四十八年

知縣周崧曉捐俸銀三百五十九兩有奇重建大門樓

一間捲棚三間祠堂三間東西道房四間以北渠鋪山  
場地畝歸入祠內每歲賃租錢三千文作歲修之費年  
久祠圯道光十六年知縣胡元煥重建祠堂三間立有  
棟宇重開新氣象山川不改舊容顏楹帖  
韓柳祠在縣北關

木朝康熙四十二年林公世榕移建初只文公像後添設  
柳子厚像更名韓柳祠捐俸增修享堂四楹並大門有  
碑記

宋呂氏祠在縣北五里舊無專祠明成化十九年巡撫阮  
藍田縣志 卷八 祠祀 五

公勤始聞之朝卽其故地建祠俾有司春秋致祭著爲  
令典俗名呂氏庵祠後有芸閣寺宏治中提學副使王  
公雲鳳撤去佛像顏其額曰芸閣書院日久頽廢萬曆  
十三年王公邦才復故地而鼎新之又易民田闢孔道  
置後堂四楹前後左右翼室各四楹門暨石坊二楹董  
公思聰又建巍樓四楹於大門之外舊神道並祠內隙  
地共得一十九畝大司徒張公士佩紀其事焉

本朝康熙四十年林公世榕增修獻殿四楹鐫其額曰宋  
四獻祠又名四呂祠乾隆三十七年知縣張珣奉文禱

修馬志載奉祀生呂德洗呂  
思文呂思恭呂復乾四人同治九年知縣呂懋勳同  
四獻後裔生員呂清音呂階鳳等籌款重修  
都神廟在縣城內會境內諸神歲時饗此府志

衆濟侯廟在縣西南五十里倒回谷神名石門將軍唐京  
兆尹第五琦楊知至此祈雨有應至乾符中歲旱詔使  
致禱應時霑霈封衆濟侯增葺廟宇後榜曰助順王府志  
王秦關祠在北關外梁公一道建

三公遺愛祠在北關祀王公科呂公好古李公景登陳公  
一夔祠在南門外梁公一道祠在南關王公邦才祠在

藍田縣志 卷八 祠祀 六

北關趙公神鑑祠在西門內今皆廢荆軻祠在縣北二  
里前志辨之曰荆卿秦讐也相傳有塚在城北故邑人  
建祠祀之然寡恩若暴秦而反爲刺客埋骨詎足信耶  
附寺觀

凡有年代可考者悉依先後編次  
其不可考者仍照前志雜錄於後

唐

竹林寺 在藍田縣東南三十里唐尉  
遲恭監造明萬曆十年修

萬全寺 在縣東西十五里卽萬全廢宮也唐文  
明元年武后於此置僧寺以舊宮爲名

悟真寺 在縣東南二十里白  
居易有詩述其靈異

石門寺 卽王右丞集中所稱石門精舍也

法池寺 在縣南門內有二法堂府志稱勝因寺又稱法華寺寺舊有池故名

清源寺 在縣南輞口王維好釋氏故字摩詰得宋之問輞川詩業山水勝絕爲私第母亡表爲佛寺今清源寺是也亦名清涼寺

聖壽寺 在縣西十五里唐昭宗行石門曾止此寺

孫真人觀 在縣南十里輞川口唐高祖時真人卽孫思邈隱南山居五臺山沒世秦境多祀之明嘉靖二十三年邑人榮宗別築於縣東白馬坡萬曆三十年知縣王邦才拓之給官地又有祠在北關外

白鹿觀 在縣西十五里其墓址塔碑尚存按臨潼縣志云白鹿觀在縣西南十五里武德七年幸溫泉見白鹿因名今藍田舊志亦有白鹿觀以道

里計之與臨潼之觀東西距數十里不得混而爲一也又按陝西資政錄云崇仁寺在縣東北四十里永福寺在縣西南三十五里皆古寺久廢今考宋敏求長安志云崇仁寺開元二十六年置則亦唐時舊刹也永福寺本神堯山莊不知何年如廢爲僧寺耳附志於此

五代

龍泉寺 在縣東十三里五代時石存焉按其刻曰龍泉寺

宋

勝因寺 卽唐法池寺也在縣城內大中唐宣宗年號中改通靈寺後又改今名

崇法寺 卽唐悟真寺也在王順山

里谷寺 在縣北三十里明宏治間修

元

清泉觀 在縣東北五十里元至元三年建明洪武二十五年修按元有兩至元世祖及順帝也此觀疑是世祖建

玉山觀 在縣西北四十里元時建又縣東屏風鎮有玉山觀

明

祝國寺 在縣南二十里嶺山之嶺建有浮圖明萬曆八年修

本朝

寶泉寺 在縣東三十里順治十年修

太平寺 在縣西三十里順治十二年修

藍田縣志 卷八祠祀

豐盈寺 在縣東五十里康熙八年修

玉山寺 在縣東五十里康熙三十九年修

林泉寺 在縣南二十里康熙四十二年修

義和寺 在縣西二十五里康熙四十二年修

空寂寺 在縣東四十里康熙四十五年修

陽空寺 在縣西十五里以下寺觀俱無建修年月可稽悉本舊志編列

白雲寺 在縣東門內乾隆四十二年並嘉慶二十一年知縣卞限重修

香岩寺 在縣西三十里

永清寺 在縣西三十里

三教堂	在縣西二十里
觀音寺	在縣北八里
半峯寺	在縣西南二十五里
寶興寺	在縣東二十里
藍渚庵	在縣東二十里
聖堂寺	在縣北三十里
玉虛觀	在縣西三十里
大覺寺	在縣南二十五里
太清觀	在縣東三十里
藍田縣志	卷八 祠祀
龍岩寺	在縣西北四十里
興國觀	在縣東三十里
白鹿寺	在縣南十里
桐花寺	在縣南四十里
秋林寺	在縣東三十里
湯行寺	在縣南四十里
會勝寺	在縣西南三十五里
寶峯寺	在縣西南三十里
洪福寺	在縣西四十里

九

白龍寺	在縣北三十里
大慈寺	在縣西十五里
玉泉觀	在縣北三十里
天明寺	在縣東五十里
延壽庵	在縣西二十里
津梁寺	在縣北二十里
元貞庵	在縣西二十里
渠傾寺	在縣西南三十里
圓覺寺	在縣南五十里
藍田縣志	卷八 祠祀
西寧寺	在縣南六十里
朝陽觀	在縣西二十里
花藥寺	在縣西二十里
高瑤寺	在縣南三十里
草堂寺	在縣南十五里
興國寺	在縣東五十里
麻林寺	在縣東南四十里 麻林資政錄作麻廷聲之誤也
風王寺	在縣西五十里
普明葬	在縣南風后祠之後

十

天池莽即錫水洞在縣南

圓覺莽在縣南五十里

碧天洞在縣南五十里

金蓮觀在縣北四十里

瑞雲觀在縣東北三十里

普濟莽在縣東北五十里

慈雲寺在縣東四十里

水月庵在縣東南二十里王順山坡

馬志云按縣境尙有感化寺見舊唐書感配寺見石

卷八 祠祀

丞集翠微寺在白鷗谷見杜詩注王效寺九空仙寺

見法苑珠林皆不知創始何朝落成何日也

藍田縣志卷九

學校志

古學與廟二釋奠先師設主於學中以行事隋唐之世間因學以立周公孔子廟元明定制遂以孔子廟為學學與廟一地也實二事也藍田舊志文廟統歸學校且以諸科入學校門體例未合今則於卷首列學宮圖以建置為圖注而學校志專載規制風化之本不可畧也諸科別為選舉表其以諸坊附學校者坊表亦風化所關也合書院社學義學統為一志

藍田縣志 卷九

儒學在文廟西偏漢唐宋之制未詳明洪武十年知縣樓璉建廟而學解因之舊址在縣治西北自

本朝知縣張激遷建文廟於東南而學舍未移知縣蔣文祚於乾隆十一年始移附文廟西偏門樓三間二門三間明倫堂三間後為教諭訓導解齋房共十二間道光十八年署訓導李祖望率閭邑士庶捐修

敬一亭在縣治西北嘉靖九年韓瓚建今廢

尊經閣在縣治西北今廢

學制小學教諭一員復設訓導一員歲科試額進文生員

八名歲試額進武生員十二名廩生二十名增生二十名二年一貢

學田明萬歷二十七年文宗錫山李公發銀一百兩買利

樊王里民人韓遠等白鹿原旱地六十畝每年小麥八

石三斗三合四勺穀一十三石八斗三升三合六勺儲

豫備倉以贍士之貧乏者 又學田水地八畝坐

落余家坡每年租稻三石二斗旱地二畝坐落白村每

年租麥米四斗 縣冊

玉山書院在縣署西

藍田縣志 卷九

玉山書院規條摘要

一每月大課兩次定於每月初二日師課十六日官課局

門課試兼課生童每課四書文一篇五言排律詩一首

申刻交卷如有繼燭及攜卷出做者定置末卷

一每月師課兩次定於每月初八二十二日專課童生凡

在書院肄業者當日交卷其有離城稍遠者領題外作

次日清晨交卷如有過辰交卷者置末

一科場年每月加課一道官師分校定於每月初十一

二十一日專課諸生照科場出題作文次日申刻

卷日入不完者不閱

一詩文中字樣如犯科場貼例者一照科場貼例榜示講堂

一詩中失粘為科場大病課卷如有失粘者每一字罰錢

五文出句用平聲在脚者罰錢二十文至一三五如不

調諧即是失粘俗論所為一三五不論二四要分明者

斷不可從

一應課生童於大課日期或有事故不能到者須先期或

親身或遣人於書院山長處告假

藍田縣志 卷九

一大課諸生取在前五名者給銀五錢六名至十名者給

銀三錢童生取在前五名者給銀三錢六名至十名者

給銀二錢

一每課設午飯一頓款待諸生每六人飯一桌每飯一桌

兩素六葷飯米二升酒一壺山長特自一桌於講堂齊

集共食諸生分生童各以齒序不得凌亂

凡品行不端者不得肄業書院

書院原有方桌一張長桌六張板橙六條 乾隆九年歲

貢王有造捐置長桌七張板橙十條課期均勻共坐不

得占據有傷怨道

一書院未設膏火以養諸生難以強人住宿其願來居住者聽

一凡應課之人往者不追來者不拒惟告假三課而復到者即算初到雖文佳前列亦將獎賞扣下以與最不間斷者

道光十六年知縣胡酌定書院肄業生童章程

查玉山書院建置多年經費每不敷修脯之用至生童膏火更無所出故雖有書院而肄業者闕然莊前任達吉曾

藍田縣志

卷九

四

自捐廉俸設立生童膏火四十名並立考課規條旋經邵前任琨籌款經邑紳等公議每年於正賦外出錢三百千文歸入書院為生童膏火之資又將韓聘變產入官作為山長修脯之資其不敷者則縣中墊出本縣到任勸諭渭紳李繼廣捐地二十八畝又勸署教諭孫耀祖捐置地四十畝以補每年山長修脯之資其不足者則仍由縣代墊也於是精心甄別取定額數並查莊任舊案做其所定規條畧為變通俾肄業生童知所率循以期垂之久遠而不廢今將規條逐一開列於後

生童正課定額各八名附課定額各十二名

一 生員正課每月給膏火錢一千文附課每月給膏火錢五百文

一 童生正課每月給膏火錢八百文附課給膏火錢四百文於次月官課之期給發前月膏火

一 課期定於每月十二二十等日齋課初二日官課如生童有一課不到者將膏火錢扣除十日

一 每次官課取在五名以內者俱加獎賞

藍田縣志

卷九

五

一 官課之期諸生等務於卯刻齊集禮房註冊聽候點名

一 局試一文一詩定於申刻交卷不得違延

一 內舍生童等一切牀桌器用等件俱自置備

一 官課齋課試卷俱本縣捐廉刷印所散毋庸諸生自備

一 生員如遇鄉試歲科試童生如府試三原考試不到者均不扣膏火

一 每月官課齋課生員分超等特等壹等為三等童生分上取次取又次取為三等如附課生員有連三次考在前三名者附課童生有連三次考在上取前三名者課均補作正課

一正課生員有連三次考在壹等者正課童生有連三次考在又次取者正課均降為附課附課均扣除

一逢鄉試年分外加附課生員十名以二月為始八月停止

一逢鄉試里衛公所捐每人雜費錢五百文

以上各條諸生童等各宜凜遵務當奮志磨礪以期

文教日興人材蔚起本縣有厚望焉

新建玉山書院在縣城西門內

謹按同治元年後髮回各巨匪相繼入境縣城內募勇

藍田縣志

卷九 學校志

六

防守以及供支客兵費用甚鉅邑素瘠苦民力實有不

繼舊時書院各項生息俱經提用辦公以致書院經費

無着四年冬知縣鄭繼同商同在籍戶部主事袁廷俊

甘肅卽用知縣孫繩武前神木縣教諭李甲神木縣教

諭張金鑑拔貢孫思沛候選訓導王之培候選教諭李

時雍貢生張炳鑑貢生閻振甲廩生王鑾坡等援照整

厘成案稟懇大憲撥邑西白鹿原大梁村等處叛產二

十頃為每歲延請山長生童膏火之費經前任巡撫劉

批准在案九年省城營田局擬以前項地租撥供軍

營支用書院經費仍屬無着知縣呂懋勳復商同邑紳

力為轉懇各憲蒙准照舊辦理勒石講堂乃酌定書院

條規永遠遵行院內設立齋長二人書吏一名院夫一

名以資辦公每歲延請山長修膳之費以及生童膏火

之資監院齋長薪水書吏院夫工食俱由地租內支給

書院款項

一每年大梁村等處叛產地共二十頃每畝歲取租錢七

百文每年共收租錢一千四百串文由官催徵書院經

收酌量存放

藍田縣志

卷九 學校志

七

一西鄉孫家坡劉治存租種書院地四十畝每年收取租

錢二十八串文

一西鄉高家堡張文成租種書院地七畝張廷轉租種書

院地二畝白雲喜租種書院地二畝共租種地十一畝

每年收取租錢二十五串文

一北鄉陳家坪陳福壽陳五娃租種書院地二十四畝每

年收取租錢一十六串八百文

一北鄉陳家坪張三魁租種書院地六畝每年收取租錢

四串二百文

一北鄉張家河灣張邦有租種書院地三畝四分每年收取租錢三串四百文

一北鄉劉家前村劉大振租種書院地五畝每年收取租錢五串文

一西鄉安子溝耿丕福租種書院地十七畝每年收取租錢十七串文

社學 舊志舊制各里皆設後盡被侵廢雍正七年知縣李元昇奉文復建設四鄉共五處一在厚子鎮一在大寨村一在故景里一在洩湖鎮一在安村

義學 舊志在北門內康熙二十六年知縣鄧士英捐建有碑記雍正五年李元昇道光十八年孫耀祖重修

藍田縣志 卷九 學校志 八

義學 田 縣册坡地十一畝二分坐落白虎寺該地丁糧五斗七升零係岳坊里六甲歷任捐俸完納每年夏秋送租八石又前任蔣公文祥充給義學膏火

義學 膏火 絕軍地租錢一千六百文坐落七盤坡地方又充給義學膏火絕軍地每年夏秋送租一石坐落黑溝俱義學館師收討

又同治十二年知縣呂懋勳添設義學四處東鄉普化鎮

南鄉大寨村西鄉孟村鎮北鄉洩湖鎮每年館師束脩

錢各五十串文惟東鄉有魏姓案內捐錢四百五十串

存放該鎮天一成復興泰同心泰三家每月一分生息

每年息錢作為館師修金有卷可查餘三處俱籌款

又同治十三年縣屬北鄉阿氏庄紳耆監生王鯉原生王

潛武生張清鑑等因該處離城寫遠教化難及就在該村設立義學一處誠主本端源之意洵堪嘉尚合應載人以垂久遠

附坊表

德配天地坊在文廟前

園橋坊在泮池前

宣化坊在縣治東

承流坊在縣治西

威靈顯應坊在城隍廟前

藍田縣志 卷九 學校志 九

題名坊在儒學前

世科坊為舉人程濟立

身史坊為御史封貴立

繡衣坊為御史馮進立

雲路坊為舉人亢嵩立

觀光坊為舉人董鍾立

得俊坊為經魁劉祥立

飛鳳坊為舉人王珍立

光裕坊為舉人榮華立

文苑接武坊為舉人封珙立

紹美坊為舉人程知立

金榜聯登坊為進士榮華立

御史坊為御史榮華立

身建坊為御史張德立

桂籍傳香坊為舉人榮察立

三世誥勅坊為贈御史榮清御史榮華參議榮察知縣榮

宋立 自世科坊至此坊俱經地震傾

碩果坊為贈御史李廷寶立

貞節坊六為樊氏田氏楊氏熊氏葛氏王氏立

一門雙節坊為李氏徐氏立

新建貞節坊二為靳氏李氏立

新建孝子坊為生員張文運立

玉山保障坊在縣署東

藍水名區坊在縣署西以上二坊道光十九年已亥春知縣胡元煥建

鄉試會館在省城內琉璃廟街口大街路北共房七十餘間光緒元年知縣呂懋勳建置邑紳候選守備周定南補用把總李上休員外郎孫範經理監修

藍田縣志卷十

藝文志

史志藝文自班氏始隋書因之變名經籍新唐書復名藝文所以萃古今之著述辨學術之源流或存或佚文獻攸關非徒作類書讀也前代撰方志者率以詞章為藝文羅列詩文不載書目其端始自宋王象之之輿地紀勝而濫於祝穆之方輿勝覽一題數詠無關典要限於耳目挂漏仍多揆諸地理家不合揆諸史法尤不合康對山武功志自稱高簡不志藝文

藍田縣志 卷十

而於名勝古蹟下仍登無用之詩文所謂楚則失之齊亦未為得也藍田前志藝文門中載詩文甚富今皆別裁其體彙入文徵錄而以縣人所著之書為藝文志以符史例且以示藝文之名在此不在彼也

經類

周易古經二卷宋呂大防錄

大防自序曰周易古經者彖象所以解經始各為一書王弼專治象象以為注乃分綴卦爻之下學者於是不見完經而象象辭次第貫穿之意亦缺然不屬予因案

古文而考正之凡經二篇象象繫辭各二篇文言說卦序卦雜卦一篇總一十有二篇

陳振孫曰呂大防微仲所錄上下經並錄繫辭象象隨經分上下為六卷上下繫二卷文言說卦各一卷

胡一桂曰古易之亂肇自費直繼以鄭元而成於王弼古易之復始自元豐汲郡呂微仲嵩山晁以道繼之最

後東萊先生又為之更定實與微仲本暗合而東萊不及微仲嘗編此蓋偶未之見也

董真卿曰呂氏周易古經上經第一下經第二上彖第

陸日原

卷十

二

三下彖第四上象第五下象第六繫辭上第七繫辭下

第八文言第九說卦第十序卦第十一雜卦第十二其

所次序本末並與東萊定本同但東萊只分上經下經而無第一第二字又東萊稱彖上傳第一至雜卦傳第十小有不同爾

易章句一卷

宋呂大臨撰佚

晁公武曰呂大臨與叔撰其解甚畧有統論數篇

大易圖象

宋呂大臨撰佚

易傳

宋呂大臨撰佚

芸閣禮記解十卷

宋呂大臨撰

晁氏武曰芸閣禮記解十卷呂大臨與叔撰與叔師事程正叔禮學甚精博中庸大學尤所致力也

陳振孫曰按館閣書目作一卷止有表記冠昏鄉射燕聘義喪服四制凡八篇今又有曲禮上下中庸緇衣大

學儒行深衣投壺八篇此晦庵朱氏所傳本刻之臨漳射塚書坊稱芸閣呂氏解即其書

衛湜曰藍田呂與叔禮記解中興館閣書目止一卷今書坊所刻十卷有禮記上下孔子閒居中庸緇衣深衣

藍田縣志

卷一

三

儒行大學八篇

禮記傳十六卷

張萱曰呂氏禮記傳十六卷今闕第三卷失言熙中朱晦庵刻之臨漳學宮

編禮三卷

宋呂大臨編

晁公武曰呂大臨編三卷以士喪禮為本取三禮附之自始死至祥練各以類分其示於後學者甚惠尚恨所

編者五禮中凶禮而已

論語解十卷

宋呂大臨解佚

晁公武曰與叔雖程正叔之徒解經不盡用其師說

大學一卷宋呂大臨撰

朱子曰呂氏之先與二程夫子游故其家學最為近正然不能不惑於浮屠老子之說故其末流不能無出入之弊若其他說之近正者君子猶有取焉

中庸一卷宋呂大臨撰

胡宏序曰靖康元年河南門人河東侯仲良師聖自三川避亂來荊州某兄弟得從之游議論聖學必以中庸為至有張燾者攜所藏明道先生中庸解以示之師聖

藍田縣志 卷十

笑曰何傳之誤此呂與叔晚年所為也燾亦笑曰燾得之江濤家其弟云然按河南夫子侯氏甥而師聖又夫子猶子師聖少孤養於夫子家從夫子最久知夫子文章最詳後十年某兄弟奉親南止衡山大梁向沈又出所傳明道先生解有瑩中陳公所記亦云此書得之濤某反覆究觀詞氣大類橫渠正蒙書而與叔乃橫渠門人之肖者徵往口師聖之言信以今日已之所見此書與叔所著無可疑瑩中不知其詳也

孟子講義十四卷宋呂大臨撰佚

詩傳明王之

馮從吾曰之士字欲廉七八歲即知學授以毛詩輒明後治大戴禮兼通易潛心理窟毅然以道學自任

史類

前漢論三十卷宋呂大忠撰佚

晁公武曰呂大忠晉伯撰予得之於銅梁令呂肇修撰汲公諸孫也

長安圖記一卷宋呂大防撰佚

陳振孫曰丞相汲公呂大防知永興軍以為正長安故

藍田縣志 卷十

圖著其說於上今信安郡有此圖而別錄其說為一篇考古圖十卷宋呂大臨撰

大臨自記曰莊周氏謂儒者逐迹喪真學不善變故為輪扁之說芻狗之喻重以漁父盜跖詩禮發冢之言極其詆訾夫學不知變信有罪矣變而不知止於中其做殆有甚焉以學為偽以智為鑿以仁為姑息以禮為虛飾蕩然不知聖人之可尊先王之可法充已從義謂之失性是古非今謂之亂政至於坑殺學士燔執典籍盡愚天下之民而後慊由是觀之二者之學其害孰多堯

舜禹臯陶之言皆曰稽古孔子自道亦曰好古敏以求  
之所謂古者雖先王之陳迹稽之好之者必求其所以  
迹也制度法象之所寓聖人之精義存焉有古今之所  
同然百代所不得變者豈芻狗輪扁之謂哉漢承秦火  
之餘上視三代如更晝夜夢覺之變雖遺編斷簡僅存  
二三然世移俗革人亡書殘不復想見先王之緒餘至  
人警歎不意數千百年後尊彝鼎敦之器猶出於山巖  
屋壁隴畝墟墓之間形制文字皆非世所能知况能知  
所用乎當天下無事時好事者畜之徒為耳目奇異玩

藍田縣志

卷十

六

好之具而已噫天之果喪斯文也則是器也胡為而出  
哉乎於士大夫之家所閱多矣每得傳摹圖寫浸盈卷  
軸尙病窳啓未能深考暇日論次成書非敢以器為玩  
也觀其器誦其言形容髣髴以追三代之遺風如見其  
人矣以意逆志或探其制作之原以補經傳之闕亡正  
諸儒之謬誤天下後世之君子有意於古者亦將有焉  
晁公武曰呂大臨與叔裒諸家所藏三代秦漢尊彝鼎  
敦之屬繪之於幅而辨論形制文字

陳振孫曰其書作於元祐七年所紀自御府之外凡三

十六家所藏古器物皆圖而錄之

學古編曰呂大臨考古圖十卷有黑白兩樣黑字者後

為有韻圖中欠瑞玉琬白字者博山鑪上誤畫作人手

南巡西巡錄

明榮華撰

藍田縣志

明榮華撰

按藍田之有志自明宏治中知縣任文獻始即榮君所  
著也

輞川志

明榮華撰

子類

藍田縣志

卷十

七

老子注二卷

宋呂大臨撰

晁公武曰呂大臨撰其意蓋以老聃之學合有無謂之

元以為道所由出蓋至於命矣其言道體非獨智之見

孰能臻此求之終篇謬於聖人者蓋寡但不當以聖智

仁義為可絕棄耳

西銘集解一卷

宋呂大臨撰

張氏祭禮一卷

宋呂大臨撰

呂氏家祭禮一卷

宋呂大臨撰

朱子曰與叔集諸家禮補儀以儀禮為骨

呂氏鄉儀一卷宋呂大鈞撰

鄉約一卷宋呂大鈞撰

按宋史列傳呂大防嘗為鄉約而陳氏及宋史藝文志

皆稱呂大鈞撰與列傳互異

正俗鄉約明王之撰

正世要言

大六壬兵機百鍊金明應居珍撰

集類

輞川集五卷宋呂大忠撰

藍田縣志

奏議十卷宋呂大忠撰

晁公武曰呂大忠字晉伯藍田人汲公之兄皇祐中進

士除檢詳樞密院吏房文字累遷寶文閣直學士三帥

秦鳳晉伯傅極羣書為文尚理致有益於用章奏皆親

為文

汲公文錄二十卷文錄綴遺一卷宋呂大防撰

晁公武曰大防既拜相嘗分其俸之半以錄書故所藏

甚富其在翰林書命典麗議者謂在元絳之上云

誠德集三十卷宋呂大鈞撰

晁公武曰呂大鈞和叔嘉祐進士大防仲弟也師

之贈學博文無所不核其文非義理不致

玉溪集二十五卷宋呂大諱撰

玉溪別集十卷

秦關全書王之撰

馮從吾曰王秦關先生理學醇儒也其學以盡性無欲

為宗近禪著已甘貧苦節世共高之先生家嗣持先生

著作數種乞余訂正乃命門人輩編次以歸之而以文

簡公粹語及飛泉公語錄列於前見先生學問淵源所

藍田縣志

自其曰先師遺訓先君遺訓者先生自所命也其他諸

錄皆躬行心得之言足以羽翼聖賢扶持名教非世之

騁空譚而甚實用者可比云

關洛集明王之撰

輞川文集明榮察撰

步聲集明榮察撰

病齋詩明榮察撰

習堂稿明榮察撰